

摘藻堂四庫全書薈要

集部

欽定四庫全書薈要

集部

御定全唐詩卷四百六十九

七至九

詳校官原任主事臣李斯咏

欽定四庫全書會要卷一萬七千八百七十二

集部

御定全唐詩卷四百六十七

牟融

有贈歐陽詹張籍韓翃諸人詩蓋貞元元和間人
也詩一卷

春日山亭

醉來重整華陽巾搔首驚看白髮新莫道愁多因病酒
只緣命薄不辭貧龍魚失水難為用龜玉蒙塵未見珍

正是聖朝全盛日詎知林下有閒人

寄周韶州

十年學道困窮廬空有長才重老儒功業要當垂永久
利名那得在須臾山中荆璞誰知玉海底驪龍不見珠
寄語故人休悵快古來賢達事多殊

秋夜醉歸有感而賦

銜盃誰道易更闌沈醉歸來不自歡惆悵後時孤劍冷
寂寥無寐一燈殘竹窗涼雨鳴秋籟江郭清砧擣夜寒

多少客懷消不得臨風搔首浩漫漫

寄范使君

未秋為別已終秋咫尺婁江路阻脩心上惟君知委曲
眼前獨我逐漂流從來姑息難為好到底依棲總是詎
西望家山成浩歎臨風搔首不勝愁

送羅約

雨晴江館柳依依握首那堪此別離獨鶴孤琴隨遠旆
紅亭綠酒惜分歧月明野店聞雞早花暗關城疋馬遲

後夜定知相憶處東風回首不勝悲

題李昭訓山水

卜築藏修地自偏尊前詩酒集羣賢
半岩松暝時藏鶴一枕秋聲夜聽泉
風月謾勞酬逸興漁樵隨處度流年
南州人物依然在山水幽居勝輞川

處厚遊杭作詩寄之

江村搖落暫逢秋况是聞君獨遠遊
浙水風煙思弔古楚鄉人物賦登樓
書沈寒鴈雲邊影夢繞清猿月下愁

念我故人勞碌久不如投老臥滄洲

山中有懷李十二

第七句闕三字
第八句闕一字

林前風景晚蒼蒼林下懷人路杳茫
白髮流年淹舊業碧山茅屋卧斜陽
客邊秋興悲張翰病裏春情笑沈郎
何事登樓幾迴搔首思歸

客中作

異鄉歲晚悵離懷遊子驅馳媿不才
夜夜砧聲催客去年年鴈影帶寒來
半林殘葉迎霜落三徑黃花近節開

幾度無聊倍惆悵臨風搔首獨興哀

山寺律僧畫蘭竹圖

偶來絕頂興無窮獨有山僧筆最工
綠徑日長袁戶在紫荃秋晚謝庭空
離花影度湘江月遺佩香生洛浦風
欲結歲寒盟不去忘機相對畫圖中

送客之杭

西風吹冷透貂裘行色匆匆不暫留
帆帶夕陽投越浦心隨明月到杭州
風清聽漏驚鄉夢燈下聞歌亂別愁

懸想到杭州興地尊前應與話離憂

有感二首

何事離懷入夢頻
貧居寂莫四無鄰
詩因韻險難成律
酒為愁多不顧身
眼底故人驚歲別
尊前華髮逐時新
十年飄泊如萍跡
一度登臨一悵神

搔首臨風獨倚欄
客邊驚覺歲華殘
栖遲未遇常鉤薦
邂逅寧彈貢禹冠
有興不愁詩韻險
無聊只怕酒杯乾
何如日日長如醉
付與詩人一笑看

送沈侯之京

悠悠旌旆出東樓，特出仙郎上帝州。
劉晏才高能富國，蕭何人傑足封侯。
關河弱柳垂金縷，水驛青帘拂畫樓。
欲盡故人尊酒意，春風江上暫停舟。

寄羽士

別來有路隔仙凡，幾度臨風欲去難。
樂道無時忘鶴伴，談玄何日到星壇。
山中勝景常留客，林下清風好煉丹。
使我浮生塵鞅脫，相從應得一盤桓。

題趙支

林間曲徑掩衡茅，遶屋青青翡翠梢。
一枕秋聲鸞舞月，半窗雲影鶴歸巢。
曾聞賈誼陳奇策，肯學揚雄賦解嘲。
我有清風高節在，知君不負歲寒交。

司馬遷墓

落落長才負不羈，中原回首益堪悲。
英雄此日誰能薦，聲價當時衆所推。
一代高風留異國，百年遺跡剩殘碑。
經過詞客空惆悵，落日寒煙賦黍離。

春游

錦袍日暖耀冰蠶上客陪遊酒半酣
笑拂吟鞭邀好興
醉歆烏帽逞雄談
樓前弱柳搖金縷
林外遙山隔翠嵐
正是太平行樂處
春風花下且停驂

水西草堂

第四句闕二字
第七句闕一字

蘿徑蕭然曲業存
閒雲流水四無鄰
身留白屋潛蹤跡
門
吟學隱淪吟對琴
尊江上月笑看花木鏡中春
遺書自有親
處何必驅馳擾世塵

送羽衣之京

羽衣縹緲拂塵囂，悵別河梁贈柳條。
閨苑雲深孤鶴迥，蓬萊天近一身遙。
香浮寶輦仙風潤，花落瑤壇絳雨消。
自是長生林下客，也陪鴛鷺入清朝。

題道院壁

山中舊宅四無鄰，草淨雲和迥絕塵。
神棗胡麻能飯客，桃花流水蔭通津。
星壇火伏煙霞暝，林壑春香鳥雀馴。
若使凡緣終可脫，也應從此度閒身。

贈歐陽詹

為客囊無季子金，半生蹤跡任浮沈。
服勤因念劬勞重，思養徒懷感慨深。
島外斷雲凝遠日，天涯芳草動愁心。
家林千里遙相憶，幾度停車一悵吟。

邵公母

搔首驚聞楚些歌，拂衣歸去淚懸河。
劬勞常想三春恨，思養其如寸草何。
荆水夢懷千里遠，蘇臺愁望白雲多。
傷心獨有黃堂客，幾度臨風詠蓼莪。

客中作

千里雲山戀舊遊，寒宵涼雨夜悠悠。
浮亭花竹頻勞夢，別路風煙半是愁。
芳草傍人空對酒，流年多病倦登樓。
一杯重向樽前醉，莫遣相思累白頭。

贈楊處厚

十年學道苦勞神，豈覺得尊前一病身。
天上故人皆自貴，山中明月獨相親。
客心淡泊偏宜靜，吾道從容不厭貧。
幾度臨風一回首，笑看華髮及時新。

重贈張籍

舊日儀容只宛然，笑談不覺度流年。
凡緣未了嗟無子，薄命能孤不怨天。
一醉便同塵外客，百杯疑是酒中仙。
人生隨處堪為樂，管甚秋香滿鬢邊。

贈殷以道

世路紅塵懶步趨，長年結屋傍巖隅。
獨留鄉井誠非隱，老向山林不自愚。
肯信白圭終在璞，誰憐滄海竟遺珠。
閒來撫景窮吟處，尊酒臨風不自娛。

翁母此

滿頭華髮向人垂
長逝音容迥莫追
先壠每懷風木夜
畫堂無復綵衣時
停車遙望孤雲影
翹首驚看弔鶴悲
獨有賢人崇孝義
傷心共詠奠我詩

題山莊

蘿屋蕭蕭事事幽
臨風搔首遠凝眸
東園松菊存遺業
晚景桑榆樂舊遊
吟對清尊江上月
笑談華髮鏡中秋
牀頭濁酒時時漉
上客相過一任留

沈存尚林亭夜宴

草堂寂寂景偏幽到此令人一縱眸
松菊寒香三徑晚桑榆煙景兩淮秋
近山紅葉堆林屋隔浦青帘拂畫樓
終日忘情能自樂清尊應得遣閒愁

題孫君山亭

長年樂道遠塵氛靜菴藏修學隱淪
吟對琴樽庭下月笑看花木檻前春
閒來欲著登山屐醉裏還披漉酒巾
林壑能忘軒冕貴白雲黃鶴好相親

題徐俞山居

青山重疊巧裁攢引水流泉夜激湍嵐鎖巖扉清晝暝
雲歸松壑翠陰寒不因李相門前見曾向袁生畫裏看
老我不堪詩思杳幾回吟倚曲欄干

送范啓東還京

蕭蕭行李上征鞍滿目離情欲去難客裏故人尊酒別
天涯遊子弊裘寒官橋楊柳和愁折驛路梅花帶雪看
重到京華舊遊處春風佳麗好盤桓

樓城叙別

故人為客上神州，傾蓋相逢感昔遊。
屈指年華嗟遠別，對牀風雨話離愁。
清樽不負花前約，白髮驚看鏡裏秋。
此際那堪重分手，綠波芳草暫停舟。

寫意二首

寂寥荒館閉閒門，苔徑陰陰屐少痕。
白髮顛狂塵夢斷，青氈冷落客心存。
高山流水琴三弄，明月清風酒一樽。
醉後曲肱林下臥，此生榮辱不須論。

蕭蕭華髮滿頭生，深遠蓬門倦送迎。
獨喜冥心無外慕，自憐知命不求榮。
閒情欲賦思陶令，卧病何人問馬卿。
林下貧居甘困守，儘教城市不知名。

贈浙西李相公

長庚烈烈獨遙天，盛世應知降謫仙。
月裏昔曾分兔藥，人間今喜得椿年。
文章政事追先達，冠蓋聲華羨昔賢。
尊酒與君稱壽畢，春風入醉綺羅筵。

天台

碧溪流水泛桃花樹繞天台迥不賒洞裏無塵通客境
人間有路入仙家雞鳴犬吠三山近草靜雲和一徑斜
此地不知何處去暫留瓊珮臥煙霞

送陳衡

秋江煙景晚蒼蒼江上離人促去航千里一官嗟獨往
十年雙鬢付三霜雲迷樓曲親庭遠夢遶通山客路長
不必臨風悲冷落古來白首尚為郎

送沈翔

江上西風一櫂歸故人此別會應稀
清朝盡道無遺逸當路誰曾訪
少微謾有才華嗟未達閒尋鷗鳥
暫忘機臨歧不用空惆悵未必
新豐老布衣

過蠡湖

東湖煙水浩漫漫相浦秋聲入夜寒
風外暗香飄落粉月中清影舞離鸞
多情袁尹頻移席有道喬仙獨倚闌
幾度簾簾相對處無邊詩思到吟壇

登環翠樓

山中地僻好藏修，寂寂幽居架小樓。
雲樹四圍當戶暝，煙嵐一帶隔簾浮。
舉杯對月邀詩興，撫景令人豁醉眸。
我亦人間肥遁客，也將蹤跡寄林丘。

遊淮雲寺

白雲深鎖沃州山，冠蓋登臨衆仰攀。
松徑風清聞鶴淚，曇花香暝見僧還。
玄機隱隱應難覺，塵事悠悠了不關。
興盡凡緣因未晚，裴回依舊到人間。

遊報本寺

山房寂寂華門開此日相期社友來
雅興共尋方外樂
新詩爭美郢中才
茶煙裊裊籠禪榻
竹影蕭蕭掃徑苔
醉後不知明月上
狂歌直到夜深回

了然塵事不相關
錫杖時時獨看山
白髮任教雙鬢改
黃金難買一生閒
不留活計存囊底
贏得詩名滿世間
自笑微軀長碌碌
幾時來此學無還

題陳侯竹亭

曾向幽亭一榻分
清風滿座絕塵氛
丹山鳳泣鉤簾聽

滄海龍吟對酒聞漠漠
暝陰籠砌月盈盈
寒翠動相雲
歲寒高節誰能識
獨有王猷愛此君

送報本寺分韻得通字

第七句第八句關

幾度乘閒謁梵宮
此郎聲價重江東
貴侯知重曾忘勢
閒客頻來也悟空
滿地新蔬和雨綠
半林殘葉帶霜紅

寄永平友人

故人千里隔天涯
幾度臨風動遠思
賈誼上書曾伏闕

仲舒陳策欲匡時高風落落誰同調
往事悠悠我獨悲
何日歸來話疇昔一樽重叙舊襟期

朔風獵獵慘寒沙關月寥寥咽暮笳
放逐一心終去國
驅馳千里未還家青蠅點玉原非病
滄海遺珠世所嗟
直道未容淹屈久暫勞踪跡寄天涯

陳使君山庄

新卜幽居地自偏士林爭羨使君賢
數椽瀟灑臨溪屋
十畝膏腴附郭田流水斷橋芳草路
淡煙疎雨落花天

秋成準擬重來此沈醉何妨一榻眠

題寺壁

僧家勝景瞰平川霧重嵐深馬不前
宛轉數聲花外鳥往來幾葉渡頭船
青山遠隔紅塵路碧殿深籠綠樹煙
聞道此中堪遁跡肯容一榻學逃禪

送徐浩

渡口潮平促去舟莫辭尊酒暫相留
弟兄聚散雲邊鴈蹤跡浮沈水上鷗
千里好山青入楚幾家深樹碧藏樓

知君此去情偏切堂上椿萱雪滿頭

謝惠劍

感君三尺鐵揮擢鬼神驚浩氣中心發雄風兩腋生犬
戎從此滅巢穴不時平萬里橫行去封侯賴有成

送僧

梵王生別思之子事遐征煙水浮杯渡雲山隻履行三
生塵夢醒一錫衲衣輕此去家林近飄飄物外情

送友人

有客櫂偏舟相逢不暫留衣冠重文物詩酒足風流官
路生歸興家林想舊遊臨歧分手後乘月過蘇州

題朱慶餘閒居四首

瀟灑藏脩處琴書與畫圖白丁門外遠俗子眼前無楚
楚臨軒竹青青映水蒲道人能愛靜諸事近清枯

盡日衡門閉蒼苔一徑新客心非厭靜悟道不憂貧白
屋懸塵榻清樽憶故人近來踈懶甚詩債後吟身

閒客幽棲處蕭然一草廬路通元亮宅門對子雲居按

劍心猶壯琴書樂有餘
黃金都散盡收得鄴侯書
寂寥荒館下投老欲何為
草色凝陳榻書聲出董帷
閒雲長作伴歸鶴獨相隨
才薄知無用安貧不自危

寄張源

咫尺西江路悲歡暫莫聞
青年俱未達白社獨離羣
曲徑荒秋草衡茅掩夕曛
相思不相見愁絕賦停雲

題竹

瀟灑碧玉枝清風追晉賢
數點渭川雨一縷湘江煙
不

見鳳皇尾誰識珊瑚鞭柯亭丁相遇驚聽奏鈞天

有感

盛世嗟沈伏中情快未舒途窮悲阮籍病久憶相如無
客空塵榻閒門閉草廬不勝岑絕處高臥半牀書

題山房壁

珠林眷寂寂寶地夜沈沈玄奧凝神久禪機入妙深參
同大塊理窺測至人心定處波羅蜜須從物外尋

訪請上人

曲徑遶叢林鐘聲雜梵音松風吹定衲蘿月照禪心撫
景吟行遠談玄入悟深不能塵鞅脫聊復一登臨

送范啓東

楊柳春江上東風一櫂輕行囊歸客興尊酒故人情畫
史名當代聲華重兩京臨歧分手處無柰別離生

客中作

十年江漢客幾度帝京遊跡比風前葉身如水上鷗醉
吟愁裏月羞對鏡中秋悵望頻回首西風憶故丘

贈韓翃

京國久知名，江河近識荆。
不辭今日醉，便有故人情。
細雨孤鴻遠，西風一櫂輕。
暫時分手去，應不負詩盟。

禁煙作

柳拖金縷拂朱欄，花撲香塵滿繡鞍。
尊酒臨風酬令節，越羅衣薄覺春寒。

閩中回

帆影隨風過富陽，櫓聲搖月下錢塘。
千山積雪凝寒碧。

夢入楓宸遠御牀

御定全唐詩卷四百六十七

欽定四庫全書叢書要卷一萬七千八百七十三

集部

御定全唐詩卷四百六十八

劉言史

劉言史邯鄲人與李賀同時歌詩美麗恢贍自賀外世
莫能比亦與孟郊友善初客鎮冀王武俊奏為棗強令
辭疾不受人因稱為劉棗強後客漢南李夷簡署司空
掾尋卒歌詩六卷今編一卷

苦婦詞

地遠易驕崇用刑匪精研哀哉苦婦身夫死百殃纏草

草催出門衣墮髮披肩獨隨軍吏行當夕余一作欲遷

一作來時已厭生一作到此自不全臨江臥黃沙二子

死在邊氣噦不發聲背頭血涓涓有時強為言祇是尤

青天藁薦無一枝冷氣兩懸懸窮荒夷教卑骨月病棄

捐況非本族音一作肌露誰為憐事痛感行賓任得貪

程船必當負嚴法豈有胎孕篇遊畋復釋麇羔兔尚免

鷓何處擯逐深一罪三見顛校尉勲望重一作幕府才

且賢蘭裙間珠履食玉處花筵但勿輕所暗莫慮無人
焉

與孟郊洛北野泉上煎茶

粉細越笋芽野煎寒溪濱恐乖靈草性觸事皆手親敲
石取鮮火撒泉避腥鱗熒熒爨風鐺拾得墜巢薪潔色
既爽別浮氲亦慙懃以茲委曲靜求得正味真宛如摘
山時自歎指下春相流泛輕花滌盡昏渴神此遊愜醒
趣可以話高人

七夕歌

星寥寥兮月細輪佳期可想兮不可親雲衣香薄粧態
新彩輯悠悠度天津玉幌相逢夜將極妖紅慘黛生愁
色寂寞低容入舊機歌著金梭思往夕人間不見因誰
知萬家閨艷求此時碧空露重彩盤濕花上乞得蜘蛛
絲

立秋日

商風動葉初蕭索一貧居老性容茶少羸肌與簞疎舊

醅難重漉新菜未勝鉏才薄無潘興便便畫

一作畫

偃廬

題茅山仙臺藥院

擾擾浮生外華陽一洞春道書金字小仙圃玉苗新芝
草迎飛燕桃花笑俗人樓臺爭聳漢鷄犬亦嫌秦願得
青芽散長年駐此身

送婆羅門歸本國

刹利王孫字迦攝竹錐橫寫叱蘿葉遙知漢地未有經
手牽白馬遶天行龜茲磧西胡雪黑大師凍死來不得

地盡年深始到船海裏更行三十國行多耳斷金環落
冉冉悠悠不停脚馬死經留却去時往來應盡一生期
出漢一作獨行人絕處磧西天漏雨絲絲

瀟湘遊

夷女采山蕉緝紗浸江水野花滿髻妝色新聞歌款乃
深峽裏款乃知從何處生當時泣舜腸斷聲翠華寂寞
嬋娟沒野篠空餘紅淚情青煙冥冥覆杉桂崖壁凌天
風雨細昔人幽恨此地遺綠芳紅艷含怨姿清媛未盡

鼯鼠切淚水流到湘妃祠北人莫作瀟湘遊九疑雲入
蒼梧愁

放螢怨

放螢去不須留聚時年少今白頭架中科斗萬餘卷一
字千回重照見青雲杳渺不可親開囊欲放增餘怨且
逍遙還醕酌伸舒漫不窺園井那將寂寞老病身更就
微蟲借光影欲放時淚沾裳衝籬落千點光

一作去衝籬落千點

觀繩伎

洛府李相
公席上作

秦陵遺樂何最珍，綵繩冉冉天仙人。
廣場寒食風日好，百夫伐鼓錦臂新。
銀畫青綃抹雲髮，高處綺羅香更切。
重肩接立三四層，著屐背行仍應節。
兩邊丸一作劍漸

相迎側身交步，何輕盈閃然欲落，却收得萬人肉上寒。
毛生危機險勢無不有，倒挂纖腰學垂柳，下來一一笑。
蓉姿粉薄鈿稀態轉奇，坐中還有沾巾者，曾見先皇初

教時

買一作花謠

杜陵村人不田穡入谷經谿復緣壁每至南山草木春

即向侯家取金碧幽艷凝華春景曙林

一作村

夫

一作采來

移得

將何處蝶惜芳叢送下山尋斷孤香始回去豪少居連
鳩鵲東千金使買一株紅院多花少栽未得零落綠蛾
纖指中咸陽親戚長安里無限將金買花子澆紅濕綠
千萬家青絲玉轡聲啞啞

王中丞宅夜觀舞胡騰

王中丞武俊也

石國胡兒人見少蹲舞尊前急如鳥織成蕃帽虛頂尖
細氎胡衫雙袖小手中拋下蒲萄盞西顧忽思鄉路遠
跳身轉轂寶帶鳴弄脚繽紛錦靴軟四坐無言皆瞪目
橫笛琵琶徧頭促亂騰新毯雪朱毛傍拂輕花下紅燭
酒闌舞罷絲管絕木槿花西見殘月

竹裏梅

竹裏

一作與

梅花相竝枝梅花正發竹枝垂風吹總向竹

枝上直似王家雪下時

春過趙墟

下馬邯鄲陌頭歇寂寥崩隧臨車轍古柏重生枝亦乾

餘燎

一作漆

見風幽燄滅白蒿微發紫槿新行人感此復

悲春

初下東周贈孟郊

鶴老身

一作耳

更印

一作工

龜死殼亦靈正信

一作性

非外訟

終始全本情童子不戲塵積書就巖局身著木葉衣養
鹿無特耕偶隨下山雲在苒失故程漸入機險中危思

難太行十髮九縷絲悠然東周城言詞野麋態出口多
累形因依漢元寮未似羈細輕冷竈助新熱靜砧與寒
聲斷蓬在門欄豈當桃李榮寄食若蠹蟲侵損利微生
固非拙為強懦劣外一作寂療并素堅冰蘖心潔持保堅
貞修文返正風刊字齊古經慙將衰末分高樓喧世名

過春秋峽

峭壁蒼蒼苔色新無風晴景自勝春不知何樹一作事幽

崖裏臘月開花似北人

長門怨

獨坐爐邊結夜愁暫時思

一作思

去亦難留

一作枚

手持金

筓垂紅淚亂撥寒灰不舉頭

春遊曲

一作樂府

花頰紅驥

一作顏鬢髮

一何

一作向

偏綠槐香陌欲朝天仍嫌

衆裏嬌行疾傍鞦韆深藏白玉鞭

噴沫

一作珠噴

團香小桂條玉鞭兼賜霍嫖姚弄影便從天

禁出碧蹄聲碎五門橋

廣州王園寺伏日即事寄北中親友

南越逢初伏東林度一朝曲池煎畏景高閣絕微颺竹
簟移先灑蒲葵破復搖地偏毛瘴近山毒火威饒裏汗
絺如濯親牀枕竝燒墮枝傷翠羽萎葉惜紅蕉且困流
金熾難成獨酌謠望霖窺潤礎思吹候生一作鳴條旅恨
生烏許鄉心繫洛橋誰憐在炎客一夕壯容銷

立秋

茲晨戒流火商飈早已驚雲天收夏色木葉動秋聲

別落花

風艷霏霏去羈人處處游
明年縱相見不在此枝頭

登甘露臺

偶至無塵空翠間
雨花甘露境間身心未寂終為累
非想天中獨退還

夜泊潤州江口

秋江欲起白頭波
賈客瞻風無渡河
干船火絕寒宵半
獨聽鐘聲覺寺多

看山木瓜花二首

裊露凝氛紫艷新
千般婉娜不勝春
年年此樹花開日
出盡丹陽郭裏人

柔枝濕艷亞朱欄
暫作庭方便欲殘
深藏數片將歸去
紅縷金針繡取看

題十三弟竹園

繞屋扶疎聳翠莖
苔滋粉漾有幽情
丹陽萬戶春光靜
獨自君家秋雨聲

樂府雜詞三首

紫禁梨花飛雪毛春風絲管翠樓高城裏萬家聞不見
君王試舞鄭櫻桃

蟬鬢紅冠粉黛輕雲和新教羽衣成月光如雪金階上
迸却頗梨義甲聲

不耐簷前紅槿枝薄妝春寢覺仍遲夢中無限風流事
夫婿多情亦未知

歲暮題楊錄事江亭

楊生
蜀客

垂絲蜀客涕濡衣
歲盡長沙未得歸
腸斷錦帆風日好
可憐桐鳥出花飛

冬日峽中旅泊

霜月明明雪復殘
孤舟夜泊使君灘
一聲鐘出遠山裏
暗想雪窗僧起寒

泊花石浦

舊業叢臺廢苑東
幾年為梗復為蓬
杜鵑啼斷回家夢
半在邯鄲驛樹中

聞崔倚旅葬

遠客那能返故廬
蒼梧埋骨痛何如
他時親戚空相憶
席上同悲一紙書

賦蕃子牧馬

磧淨山高見極邊
孤烽引上一條煙
蕃落多晴塵擾擾
天軍獵到鷓鴣泉

牧馬泉

平沙漫漫馬悠悠
弓箭閒拋郊水頭
鼠毛衣裏取羌笛

吹向秋天矐眼愁

越井臺望

獨立陽臺望廣州更添羈客異鄉愁
晚潮未至早潮落
井邑暫依沙上頭

扶病春亭

強梳稀髮著綸巾捨杖空行試病身
花間自欲裴回立
穉子牽衣不許人

贈童尼

舊時艷質如明玉今日空心是冷灰料得襄王惆悵極
更無雲雨到陽臺

讀故友于君集

大底從頭總是悲就中偏愴築城詞依然想得初成日
寄出秋山與我時

病僧二首

竺國鄉程算不回病中衣錫徧浮埃如今漢地諸經本
自過流沙遠背來

空林衰病卧多時
白髮從成數寸絲
西行却過流沙日
枕上寥寥心獨知

右軍墨池

永嘉人事盡歸空
逸少遺居蔓草中
至今池水涵餘墨
猶共諸泉色不同

送僧歸山

楚俗翻一作蕃花自送迎
密人來往豈知情
夜行獨自寒

山寺雪徑泠泠金錫聲

題源分竹亭

繞屋扶疎千萬竿

年年一人

一作相誘獨行看日光不透煙

常在先校諸家一月寒

山寺看櫻桃花題僧壁

楚寺春風臘盡時
含桃先坼一千枝
老僧不語傍邊坐
花發人來總不知

傷清江上人

往年偏共仰師遊
聞過流沙淚不休
此身豈得多時住

更著塵心起外愁

山寺看海榴花

琉璃地上紺宮前發翠凝紅已

一作幾

十年夜久月明人

去盡火光霞燄遞相燃

贈成鍊師四首

花冠藥帔色嬋娟一曲清蕭凌紫煙不知今日重來意
更住人間幾百年

黃昏騎得下天龍巡遍茅山數十峰採芝却到蓬萊上

花裏猶殘碧玉鐘

等閒何處得靈方
丹臉雲鬟日月長大羅過却三千歲
更向人間魅阮郎

曾隨阿母漢宮齊
鳳駕龍輶列玉一作御堦
當時白燕無

尋處今日雲鬟見玉釵

上巳日陪襄陽李尚書宴光風亭

碧池萍嫩柳垂波
綺席絲鑪舞翠蛾
為報會稽亭上客
永和應不勝元和

奉酬

閨餘春早景沈沈
禊飲風亭恣賞心
紅袖青蛾留永夕
漢陰寧肯羨山陰

病中客散復一作後言懷

華髮離披卧滿頭
暗蟲衰草入鄉愁
枕前人去空庭暮
又見芭蕉白露秋

處州月夜穆中丞席和主人

羌竹繁絃銀燭紅
月光初出柳城東
忽見隱侯裁一詠

還須書向郡樓中

尋花

遊春未足春將度
訪紫尋紅少在家
借問流鶯與飛蝶
更知何處有幽花

贈陳長史妓

本內
宮人

寶鈿雲和玉禁僊
深含媚靨裏朱弦
春風不怕君王恨
引出幽花落外邊

題王況故居

入巷蕭條起悲緒兒女猶居舊貧處塵滿空牀屋見天
獨作驢鳴一聲去

偶題

遲日新妝遊冶娘盈盈綵艇白蓮塘掬水遠濕岍邊郎
紅綃縷中玉釧光

慟柳論

孀妻樓戶仍無嗣欲訪孤墳誰引至裴回無處展哀情
惟有衣襟知下淚

夜入簡子古城

遠火熒熒聚寒鬼綠燄欲銷還復起
夜深風雪古城空
行客衣襟汗如水

桂江中題香頂臺

峒峒香積凌空翠天上名花落幽地
老僧相對竟無言
山鳥却呼諸佛字

僧簷前獨竹詠

亂石田中寄孤本亭亭不住凌虛引
欲以袈裟拂著來

一邊碧玉無輕粉

送人隨姊夫任雲安令

閒逐維私向武城北風青雀片時行孤帆瞥過荊州岼
認得瞿塘急浪聲

山中喜崔補闕見尋

鹿袖青藜鼠耳巾潛夫豈解拜朝臣白屋藜牀還共入
山妻老大不羞人

偶題二首

金榜榮名俱失盡
病身為庶更投魑
春蛾慢笑無愁色
別向人家舞柘枝

得罪除名謫海頭
驚心無暇與身愁
中使不知何處住
家書莫寄向春州

嘉興社日

消渴天涯寄病身
臨卽知我是何人
今年社日分餘肉
不值陳平又不均

席上贈李尹

偃僂山夫髮似絲松間石上坐多時
瓢飲不曾看酒肆
世人空笑亦何為

弼公院問病

一頭細髮兩分絲卧見芭蕉白露滋
欲令居士身無病
直待衆生苦盡時

惜花

年少共憐含露色老人偏惜委塵紅
如何遂得心中事
每要花時不厭風

代胡僧留別

此地緣疎語未通
歸時老病去無窮
定知不徹南天竺
死在條支陰磧中

桂江逢王使君旅櫬歸

故人丹旆出南威
少婦隨喪哭漸歸
遙想北原新隴上
日寒光淺水松稀

玉京詞

絕景寥寥日更遲
人間甲子不同時
未知樵客終何得

歸後無家是看棋

葛巾歌

貝州漳南縣
贈楊炯燭

一片白葛巾潛夫自能結籬邊折枯蒿聊用簪華髮有
時醉倒長松側酒醒不見心還憶谷鳥銜將却趁來野
風吹去還尋得十年紫竹溪南住跡同玄豹依深霧草
堂窗底漉春醅山寺門前逢暮雨臨汝袁郎得相見閒
雲引到東陽縣魯性將他類此身還拈野物贈傍人空
留梳杖犢鼻禪濛濛煙雨歸山村

北原情三首

錯莫天色愁挽歌出重闔誰家白網車送客入幽塵銘
旌下官道葬輿去鞞鞞蕭條黃蒿中奠酒花翠新米雪
晚霏微暮成悄無人烏鳶下空地煙火殘荒榛生人更
多苦入戶事盈身營營日易深却到不得頻寂寥孤隧
頭草綠棠梨春

洛陽城北山古今葬宦客聚骨朽成泥此山土多白近
來送葬人亦去聞歸聲豈能車輪疾漸是墓侵城城中

人不絕哀挽相次行莫非北邙後重向洛城生

卜地起孤墳全家送葬去歸來却到時不復重知處
疊疊葬相續土乾草已綠列紙瀉壺漿空向春雲哭

林中獨醒

晚來林沼靜獨坐間瓢尊向已非前跡齊心欲不言
微涼生亂篠輕馥起孤萱未得渾無事瓜田草正繁

江陵客舍留別樊尚書

信陵門館下多病有歸思墜履忘情後寒灰更濕時委

欄芳蕙晚憑几雪髻垂明日秋關外單車風雨隨

御定全唐詩卷四百六十八

欽定四庫全書薈要卷一萬七千八百七十四

真部

御定全唐詩卷四百六十九

長孫佐輔

長孫佐輔德宗時人其弟公輔為吉州刺史往依焉其詩號古調集今存十七首

擬古詠河邊枯樹

野火

一作人

燒枝水洗根數圍孤樹

一作枯朽

半心存應是無

機承雨露却將春色寄苔痕

別友人

愁多不忍醒時別
想極還尋靜處行
誰遣同衾又分手
不如行路本無情

傷故人歌妓

愁臉無紅衣滿塵
萬家門戶不容身
曾將一笑君前去
悞殺幾多回顧人

南中客舍對雨送故人歸北

猿聲啾啾雁聲苦
卷簾相對愁不語
幾年客吳君在楚

況送君歸我猶阻家書作得不忍封北風吹斷塔前雨
杭州秋日別故友

相見又相別大江秋水深悲歡一世事去住兩鄉心
漸瀝籬下葉淒清階上琴獨隨孤櫂去何處更同衾

代別後夢別

別中還夢別悲後更生悲覺夢俱千里追隨難再期
翻思夢裏苦却恨覺來遲縱是非真事何妨夢會時

答邊信

一作代答邊
信同心結

征人去年戍遼水夜得邊書字盈紙揮刀就燭裁紅綺
結作同心荅千里君寄邊書書莫絕妾荅同心心自結
同心再解心不離書字頻看字愁滅結成一夜和淚封
貯書只在懷袖中莫如書字故難久願學同心長可同

對鏡吟

憶昔逢君新納娉青銅鑄出千年鏡意憐光彩固無瑕
義比恩情永相映每將鑒面兼鑒心鑒來不輟情逾深
君非結心空結帶結處尚新恩已背開簾覽鏡悲難語

對面相看孟門阻掩匣徒慙雙鳳飛懸臺欲效孤鸞舞
王安石百家詩選此下有妝成持照尚當時只畏愁多遽變衰二句昔日照來人共許今

朝照罷自生疑鏡上有塵猶可淬一作拂君恩詎肯無迴

時

山行書事

日落風颺颺驅車行遠郊中心有所悲古墓穿黃茅茅
中狐兔窠四面烏鳶巢鬼火時獨出人烟不相交行行
近破村一徑歌還均迎霜聽蟋蟀向月看蟪蛄翁喜客

來至

一作坐

客來羞廚庖濁醪誇潑

一作撥

螳時果仍新苞

相勸對寒燈呼兒藝楛梢性朴頗近古其言無斗筭憂
歡世上并歲月途中拋誰知問津客空作揚雄嘲

古宮怨

窗前好樹名玫瑰去年花落今年開無情春色尚識返
君心忽斷何時來憶昔妝成候仙仗宮璫玲瓏日新上
拊心却笑西子頰掩鼻誰憂鄭姬謗草染文章衣下履
花粘甲乙牀前帳三千玉貌休自誇十二金釵獨相向

盛衰傾奪欲何如，嬌愛翻悲逐。佞諛重遠，豈能慙沼鵠。
案前方見泣，船魚看籠不記薰。龍腦詠扇空，曾禿鼠鬚。
始喜一作類羅新託，栢終傷如薺。却甘茶院深一作獨
意開還獨閉，鸚鵡驚飛。苔覆地滿，箱奩舊賜。前日衣漬枕新，
垂夜來淚痕多。開鏡照還悲，綠髻青蛾尚未衰。莫道新
縑長絕比，猶逢故劍會相追。

關山月

淒淒還切切，戍客多離別。何處最傷心，關山見秋月。關

月竟如何由來遠近過始經玄菟塞終繞

一作照

白狼河

忽憶秦樓婦流光應共有已得並蛾眉還知攬纖手去
歲照同行比翼復連形今宵照獨立顧影自矻矻餘暉
漸西落夜夜看如昨借問暎旌旗何如鑿帷幕拂曉朔
風悲蓬驚雁不飛幾時征戍罷還向月中歸

隴西行

陰雲凝朔氣隴上正飛雪四月草不生北風勁如切朝
來羽書急夜救長城窟道隘行不前相呼抱鞍歇人寒

指欲墮馬凍蹄亦裂射雁旋充飢斧冰還止渴寧辭解
圍鬪但恐乘疲沒早晚邊候空歸來養羸卒一作骨

尋山家

見才調集紀事
作羊士諤詩

獨訪山家歇還涉

一作步
還歇

茅屋斜連隔松葉主人聞語

未開門繞籬野菜飛黃蝶

山居

看書愛幽寂結宇青冥間飛泉引風聽古桂和雲攀地
深草木稠境靜魚鳥閒陰氣晚出谷朝光先照山有時

獨杖藜入夜猶啓闕星昏歸鳥過火出樵童還神體自
和適不是離人寰

楚州鹽壩古牆望海

混沌本冥冥泄為洪川流雄哉大造化萬古橫中州我
從西北來登高望蓬丘陰晴乍開合天地相沈浮長風
卷繁雲日出扶桑頭水淨露鮫室煙銷凝蜃樓時來會
雲翔道蹇即津遊明發促歸軫滄波非宿謀

聞韋駙馬使君遷拜台州

溟瀋軫帝憂見說初鳴騶德勝禍先戢情閒思自流蠶
殷桑柘空廩實雀鼠稠諫虎昔賜駿安人將問牛曾陪
後乘光共逐平津遊旌旆擁追賞歌鐘催獻酬音徽一
寂寥賈賤雙沈浮北郭乏中崖東方稱上頭躋山望百
城目盡增遐愁海逼日月近天高星漢秋無階異漸鴻
有志慙馴鷗終期促孤擢暫訪天台幽

山行經村徑

一徑有人迹到來唯數家依稀聽機杼寂歷看桑麻雨

濕渡頭草風吹墳上花却驅羸馬去數點歸林鴉

張碧

張碧字太碧貞元時人孟郊讀其集詩云天寶太白沒
六義已消歇先生今復生斯文信難缺下筆證興亡陳
辭備風骨高秋數奏琴澄潭一輪月推之者至矣詩十
六首

野田行

風昏晝色飛斜雨寬骨千堆髑髏語八絃牢落人物悲

一作
稀

是箇

一作
盡是

田園荒廢主悲嗟自古爭天下

一作
子

幾

度乾坤復如此秦皇矻矻築長城漢祖

一作
主

區區白蛇

死野田之骨兮又成塵樓閣風煙兮還復新願得華山
之下長歸馬野田無復堆冤者

貧女

豈是昧容華豈不知機織自是生寒門良媒不相識

幽思

金爐煙靄微銀釭殘影滅出戶獨裴回落花滿明月

惜花三首

千枝萬枝占春開
彤霞著地紅成堆
一窖閒愁驅不去
殷勤對爾酌金杯

老鴉拍翼盤空疾
准擬浮生如瞬息
阿母蟠桃香未齊
漢皇骨葬秋山碧

朝開暮落煎人老
無人為報東君道
留取穠紅伴醉吟
莫教少女來吹掃

遊春引三首

句芒愛弄春風權開萌發翠無黨偏句芒小女精神巧
機羅杼綺滿平川

五陵年少輕薄客蠻錦花多春袖窄酌桂鳴金翫物華
星蹄繡轂填香陌

千條碧綠輕拖水金毛泣怕春江死萬彙俱含造化恩
見我春工無私理

農父

運鋤耕斲侵星起隴畝豐盈滿家喜到頭禾黍屬他人

不知何處拋妻子

古意

鑾輿不碾香塵滅更殘三十六宮月手持紈扇獨含情
秋風吹落橫波血

秋日登岳陽樓晴望

三秋倚練飛金盞洞庭波定平如刻天高雲卷綠羅低
一點君山礙人眼漫漫萬頃鋪琉璃煙波闊遠無鳥飛
西南東北競一作竟無際直疑侵斷青天涯屈原回日牽

愁吟龍宮感激致應沈賈生憔悴說不得茫茫煙靄堆

湖心

又云范蠡張帆一掌
風無人來往繼其中

鴻溝

毒龍銜日天地昏八紘變肆生愁雲秦園走鹿無藏處

紛紛爭處蜂成羣四溟波立鯨相一作

用吞蕩搖五岳崩

山根魚蝦舞浪

一作渡

狂鯀鯤龍蛇膽戰登鴻門星旗羽

鏃強者尊黑風白雨東西屯山河欲拆人煙分壯士鼓
勇君王存項莊憤氣吐不得亞父斗聲天上聞玉光墮

地驚崑崙留侯氣魄吞太華舌頭一寸生陽春神農女
媧愁不言蛇枯老媪啼淚痕星曹定秤秤王孫項籍骨
輕迷精魂沛公仰面爭乾坤須臾垓下賊星起歌聲繚
繞悽人耳吳娃捧酒橫秋波霜天月照空城壘力拔山
兮忽一作呼到此駢嘶懶渡烏江水新豐瑞色生樓臺西
楚寒蒿哭愁鬼三尺霜鳴金匣裏神光一掉一作透八千
里漢皇驟馬意氣生西南掃地迎天子

美人梳頭

玉堂花院小枝紅綠窗一片春光曉玉容驚覺濃睡醒
圓蟾挂出妝臺表金盤解下叢鬢碎三尺巫雲縮朝翠
皓指高低寸黛愁水精梳滑參差墜須臾攏掠蟬鬢生
玉釵冷透冬冰明芙蓉拆向新開臉秋泉慢轉眸波橫
鸚鵡偷來話心曲屏風半倚遙山綠

題祖山人池上怪石

寒姿數片竒突兀曾作秋江秋水骨先生應是厭風雲
一作
雷 著向江邊塞龍窟我來池上傾酒尊半酣書破青

煙痕參差翠縷擺不落筆頭驚怪粘秋雲我聞吳中項
容水墨有高價一作溶溶水 墨有高價邀得將來倚松下鋪却雙
繒直道難掉首空歸不成畫

山居雨霽即事

一作長孫
佐輔詩

結茅蒼嶺下自與喧卑隔況值雷雨晴郊原轉岑寂出
門看反照繞屋殘溜滴古路絕人行荒陂響百螻蠅籬崩
瓜豆蔓圃壞牛羊跡斷續古祠鴉高低遠村笛喜聞東
臯潤欲往未通屐杖策試危橋攀蘿瞰苔壁鄰翁夜相

訪緩酌聊跂石新月出汗尊浮雲在中鳥常隳腐儒操
謬習經邦畫有待時未知非關慕沮溺

張瀛


張瀛碧之子事廣南劉氏官至曹郎詩一首

贈琴僧歌

我嘗聽師法一說波上蓮花水中月不垢不淨是色空
無法無空亦無滅我嘗聽師禪一觀浪溢鰲頭蟾魄滿
河沙世界盡空空一寸寒灰冷燈畔我又聽師琴一撫

長松喚住秋山雨，弦中雅弄若鏗金。指下寒泉流太古，
我又聽師棋一著。山頂坐沈紅日脚，阿誰稱是國手人。
羅浮道士賭却鶴，輸却藥法懷斟下。紅霞丹束手不敢
爭頭角。

御定全唐詩卷四百六十九



總校官庶吉士 臣 張能照

校對官庶吉士 臣 翟 槐

謄錄監生 臣 李息滋

欽定四庫全書薈要

集部

御定全唐詩卷四百

七十三

詳校官原任主事

臣李斯咏

欽定四庫全書薈要卷一萬七千八百七十五

集部

御定全唐詩卷四百七十

盧殷

宋時避諱
改作隱

范陽人為登封尉詩十三首

妾換馬

伴鳳樓中妾如龍櫪上宛同年辭舊寵異地受新恩香
閣更衣處塵蒙噴草痕連嘶將忍淚俱戀主人門

七夕

河耿月涼時牽牛織女期歡娛方在此

此一作

漏刻竟由

誰定不嫌秋駛唯當乞夜遲全勝客子嬾十載泣生離

月夜

露下涼生簾無人月滿庭難聞逆河浪徒望白榆星樹
遶孤棲鵲窗飛就暗螢移時宿蘭影思共習芳馨

仲夏寄江南

五月行將近三年客未迴夢成千里去酒醒百憂來晚
暮時看槿悲酸不食梅空將白團扇從寄復裴回

欲銷雲

欲隱從龍質，仍餘觸石文。
霏微依碧落，髣髴非雲度。
月光無隔傾河影，不分如逢作霖處。
當為起氤氳。

遇邊使

累年無的信，每夜夢邊城。
袖掩千行淚，書封一尺情。

移住別居

一作友

自到西川住，唯君別有情。
常逢對門遠，又隔一重城。

朔口逢友人

艱難別離久中外往還深已改當時法空餘舊日心

雨霽登北岸

一作原

寄友人

稻黃撲撲黍油油野樹連山澗自

一作北

流憶得年時馮

翊部謝郎相引上樓頭

別長安親故

楚蘭不佩佩吳鉤帶酒城頭別舊遊年事已多筋力在
試將弓箭到并州

悲秋

秋空雁度青天遠
疎樹蟬嘶白露寒
階下敗蘭猶有氣
手中團扇漸無端

晚蟬

深藏高柳背斜暉
能軫孤愁減昔圍
猶畏旅人頭不白
再三移樹帶聲飛

維揚郡西亭贈友人

萍颯風池香滿船
楊花漠漠暮春天
玉人此日心中事
何似乘羊入市年

獨孤申叔

獨孤申叔字子重以博學宏詞為校書郎詩一首

終南精舍月中聞磬

精廬殘夜景天宇滅埃氛幽磬此時擊餘音幾處聞
隨風樹杪去支策月中分斷絕如殘漏淒清不隔雲蓋騎人
方罷夢獨鴈忽迷羣響盡無河漢落千山空糾紛

嚴公弼

嚴公弼梓州人擢進士第襲父震爵封鄖國公詩一首

題漢州西湖

西湖創置自房公
心匠縱橫造化同
見說鳳池推獨步
高名何事滯川中

嚴公貺

嚴公貺公弼之弟詩一首

題漢州西湖

鳳沼才難盡餘思
鑿西湖珍木羅修岸
冰光映坐隔琴臺
今寂寞竹島尚縈紆
猶蘊濟川志芳名終不渝

莊南傑

莊南傑進士與賈島同時雜歌行一卷今存詩五首

湘弦曲

楚雲錚錚夏秋露巫雲峽雨飛朝暮古磬高敲百尺樓
狐猿夜哭千丈樹雲軒碾火聲瓏瓏連山卷盡長江空
鶯啼寂寞花枝雨鬼嘯荒郊松柏風滿堂怨咽悲相續
苦調中含古離曲繁弦響絕楚魂遙湘江水碧湘山綠

黃雀行

穿屋穿牆不知止，爭樹爭巢入營死。
林間公子挾彈弓，一丸致斃花叢裏。
小口黃雛未有知，青天不解高高飛。
虞人設網當要路，白日啾嘲禍萬機。

雁門太守行

旌旗閃閃搖天末，長笛橫吹虜塵闊。
跨下嘶風白練纒，腰間切玉青蛇活。
擊草掇金燧，牛尾犬羊兵敗如山死。
九泉寂寞葬秋蟲，濕雲荒草啼秋思。

陽春曲

紫錦紅囊香滿風金鸞玉軾搖丁冬沙鷗白羽剪晴碧
野桃紅豔燒春空芳草繚延鑠平地攏蝶雙雙舞幽翠
鳳叶龍吟白日長落花聲底仙娥醉

傷歌行

兔走烏飛不相見人事依稀速如電王母天桃一度開
玉樓紅粉千回變車馳馬走咸陽道石家舊宅空荒草
秋雨無情不惜花芙蓉一一驚香倒勸君莫謾栽荆棘
秦皇虛費一作驅山力英風一去更無言白骨沈埋暮

山碧

李溟

李溟與賈島同時詩一首

無題

喬木挂斗邑

一作邑

水驛壞門開向月片帆去背雲行雁

來晚年名利跡寧免路岐哀前計不能息若為玄鬢迴

賀蘭朋吉

賀蘭朋吉與賈島同時詩一首

客舍喜友人相訪

荒居無四隣誰肯訪來頻
古樹秋中葉他鄉病裏身
鴈聲風送急螢影月流新
獨為成名晚多慙見友人

王魯復

王魯復字夢周連江人從事邕府詩四首

詣李侍郎

文字元無底功夫轉到難
苦心三百首暫請侍郎看

弔靈均

萬古汨羅深騷人道不沈明明唐日月應見楚臣心

弔韓侍郎

星落少微宮高人入古風幾年才子淚併寫五言中

故白巖禪師院

能師還世名還在空閑禪堂滿院苔花樹不隨人寂寞
數枝猶自出牆來

徐希仁

徐希仁與盧仝同時詩一首

招玉川子詠新文

清氣宿我心結為清冷音一夜吟不足君來相和吟

御定全唐詩卷四百七十

欽定四庫全書蒼要卷一萬七千八百七十六集部

御定全唐詩卷四百七十一

雍裕之

雍裕之貞元後詩人也詩一卷

五雜組

五雜組刺繡窠往復還織錦梭不得已成交河

剪綵花

敢競桃李色自呈刀尺功蝶猶迷剪翠人豈辨裁紅

春晦送客

一作三月晦
日郊外送客

野酌亂無巡送君兼送春明年春色至莫作未歸人

自君之出矣

自君之出矣寶鏡為誰明思君如隴水長聞嗚咽聲

四氣

春禽猶競嘯夏木忽交陰稍覺秋山遠俄驚冬霰深

四色

壺中冰始結盤上露初圓何意瑤池雪欲奪鶴毛鮮

道士牛已至仙家鳥亦來骨為神不朽眼向故人開
勞魴蓮渚內汗馬火旂間平生血誠盡不獨左輪殷
已見池盡墨誰言突不黔漆身恩未報貂裘弊豈嫌

大言

四溟杯滌醕五嶽髻青螺揮汗曾成雨畫地亦成河

細言

蚊蒼自可託蝸角豈勞爭欲効絲毫力誰知螻蟻誠

山中桂

八樹拂丹霄四時青不凋秋風何處起先惠最長條

蘆花

夾岸復連沙枝枝搖浪花月明渾似雪無處認漁家

江邊柳

嫋嫋古堤邊青青一樹煙若為絲不斷留取繫郎船

江上山

一本無
山字

綺霞明赤岸錦纜繞丹枝楚客正愁絕西風且莫吹

游絲

游絲何所似應最似春心一向風前亂千條不可尋

柳絮

無風纔到地有風還滿空緣渠偏似雪莫近鬢毛生

殘鶯

花闌鶯亦嬾不語似含情何言百轉舌唯餘一兩聲

早蟬

一聲清溽暑幾處促流年志士心偏苦初聞獨泣然

秋蛩

雨絕蒼苔地月斜青草階
蛩鳴誰不怨況是正離懷

江上聞猿

楓岸月斜明猿啼旅夢驚
愁多腸易斷不待第三聲

折柳贈行人

那言柳亂垂盡日任風吹
欲識千條恨和煙折一枝

題蒲葵扇

傾心曾向日在手幸搖風
羨爾逢提握知名自謝公

贈苦行僧

幽深紅葉寺清淨白毫僧古殿長鳴磬
低頭禮畫燈

兩頭纖纖

兩頭纖纖八字眉半白半黑燈影帷
膈膈膊膊曉禽飛
磊磊落落秋果垂

了語

掃却烟塵寇初勦深水高林放魚鳥
雞人唱絕殘漏曉
仙樂拍終天悄悄

不了語

浮名世利知多少朝市喧喧塵擾擾車馬交馳往復來
鐘鼓相催天又曉

聽彈沈湘

賈誼投文弔屈平
瑤琴能寫此時情
秋風一奏沈湘曲
流水千年作恨聲

豪家夏冰詠

金錯銀盤貯賜冰
清光如聳玉山稜
無論塵客間停扇
直到消時不見蠅

宿棣華館聞雁

不堪旅宿棣華館
況有離羣鴻鴈聲
一點秋燈殘影下
不知寒夢幾回驚

農家望晴

嘗聞秦地西風雨
為問西風早晚回
白髮老農如鶴立
麥場高處望雲開

宮人斜

幾多紅粉委黃泥
野鳥如歌又似啼
應有春魂化為燕

年來

一作
年年

飛入未央栖

曲江池上

殷勤春在曲江頭
全藉羣仙占勝遊
何必三山待鸞鶴
年年此地是瀛洲

御定全唐詩卷四百七十一

欽定四庫全書薈要卷一萬七千八百七十七

集部

御定全唐詩卷四百七十二

段弘古

段弘古澧州人
呂溫守道州嘗客焉後謁竇羣容州歿
旅舍詩一首

奉陪呂使君

一作郎中

樓上夜

一本下有把火二字

看花

城上芳園花滿枝
城頭太守夜看時為

一作與

報林中高

舉燭感人情
思欲題詩

何元上

一作
玄之

何元上自稱義菴山人嘗居道州詩一首

所居寺院涼夜書情呈上呂和叔溫郎中

庾公念病宜清暑遣向僧家占上方月光似水衣裳濕
松氣如秋枕簟涼幸以薄才當客次無因弱羽遂鸞翔
何由一示雲霄路腸斷星星兩鬢霜

宋濟

宋濟德宗時人與楊衡符載同栖青城詩二首

塞上聞笛

一作和王七度
玉門關上吹笛

胡兒吹笛戍樓間
樓上蕭條海月閒
借問梅花何處落
風吹一夜滿關山

東鄰美人歌

花暖紅城斜日陰
鶯啼繡戶曉雲深
春風不道珠簾隔
傳得歌聲與客心

符載

符載字厚之蜀人
初隱廬山後辟西川
掌書記加授監

察御史集十四卷今存詩二首

題李八百洞

太極之年混沌坼此山亦是神仙宅後世何人來飛昇
紫陽真人李八百

甘州歌

月裏嫦娥不畫眉只將雲霧作羅衣不知夢逐青鸞去
猶把花枝蓋面歸

句

綠迸穿籬筍紅飄隔戶花

見楊慎
外集

張儼

張儼貞元中人詩三首

貞元八年十二月謁先主廟絕句三首

仗順繼皇業并吞勢由已天命屈雄圖誰歌大風起
得股肱賢明能以竒用兵何事傷客情何人歸帝京
雄名垂竹帛荒陵壓阡陌終古更何聞悲風入松栢

先汪

先汪合江人貞元中舉孝廉詩一首

題安樂山

合江青溪上六七里隋劉珍登真之地有祠

碧峰橫倚白雲端隋氏真人化蹟殘翠栢不凋龍骨瘦
石泉猶在鏡光寒

李赤

李赤吳郡舉子嘗自比李白故名赤詩十首

姑熟雜詠

一作李白詩

姑熟溪

愛此溪水間乘流興無極擊楫怕鷗驚垂竿待魚食波
翻曉霞影岸疊春山色何處浣紗人紅顏未相識

丹陽湖

湖與元氣通風波浩難止天外賈客歸雲間片帆起龜
游蓮葉上鳥宿蘆花裏少女棹舟歸歌聲逐流水

謝公宅

青山日將暝寂寞謝公宅竹裏無人聲池中虛月白荒
庭衰草徧廢井蒼苔積唯有清風聞時時起泉石

凌敲臺

曠望登古臺臺高極人目疊嶂列遠空閒花雜平陸白
雲入窗牖野翠生松竹欲覽碑上文苔侵豈堪讀

桓公井

桓公名已古廢井曾未竭石甃冷蒼苔寒泉湛孤月秋
來桐暫落春至桃還發路遠人罕窺誰能見清澈

慈姥竹

野竹攢石生含煙映江島翠色落波深虛聲帶寒草龍

吟曾未聽鳳曲吹應好不學蒲柳凋真心常自保

望夫山

顛望臨碧空死情感離別芳草不知愁巖花但爭發雲
山萬重隔音信千里絕春去秋復來相思幾時歇

牛渚磯

絕壁臨巨川連峰勢相向亂石流湍間迴波自成浪但
驚羣木秀莫測精靈狀更聽猿夜啼憂心醉江上

靈墟山

丁令辭世人拂衣向仙路伏鍊九丹成方隨五雲去松
蘿蔽幽洞桃杏深隱處不知曾化鶴遼海歸幾度

天門山

迴出江水上雙峰自相對岸映松色寒石分浪花碎參
差遠天際縹緲晴霞外落日舟去遙回首沈青靄

薛紆

薛紆河東人德宗朝詩人也詩一首

勅贈康尚書

日知美人

天門喜氣曉氛氲聖王臨軒名冠軍欲令從此行霖雨
先賜巫山一片雲

孫叔向

孫叔向德宗時人詩三首

將赴東都上李相國

四海兵初偃平津閣正開誰知大爐火還有不然灰

題昭應溫泉

一道溫泉遶御樓先皇曾向此中游雖然水是無情物

也到宮前咽不流

送咸安公主

鹵簿遲遲出國門
漢家公主嫁烏孫
玉顏便向穹廬去
衛霍空承明主恩

劉皂

劉皂貞元間人詩五首

邊城柳

一株新柳色十里
斷孤城為近東西
路長懸離別情

長門怨

雨

一作淚

滴長門秋夜長
愁心和雨到昭陽
淚痕不學

一作共

君恩斷拭却
千行更萬行

宮殿沈沈月欲

一作色

分昭陽更漏不堪聞
珊瑚枕上千

行淚不是思君是恨君

蟬鬢慵梳倚帳門
蛾眉不掃慣承恩
旁人未必知心事

一面殘妝空淚痕

旅次朔方

一作西貢島詩

客舍并州數十霜歸心日夜憶咸陽無端又渡桑乾水
却望并州似故鄉

楊厚

楊厚貞元間詩人詩一首

早起

星漢轉寒更伊余索寞情鐘催歸夢斷雁引遠愁生危
壁蘭光暗疎簾露氣清閒庭聊一望海日未分明

裴交泰

裴交泰貞元間詩人詩一首

長門怨

自閉長門經幾秋羅衣濕盡淚還流一種蛾眉明月夜

南宮歌管

一作吹

北宮愁

李秘

李秘唐宗室也貞元元和間人詩一首

禁中送任山人

此人自青城獻伏火諸石
思命令於本山更取大還

子去非長往君恩取大還補天留彩石縮地入青山獻

壽千春

一作秋

外來朝數月間莫拋殘藥物竊取

一作切欲駐

童顏

殷堯

一作克 一作恭

殷堯恭元和間人詩一首

府試中元觀道流步虛

一作殷堯 一作藩詩

玄都開秘籙白石禮先生上界秋光靜中元夜景清
星辰朝帝處鸞鶴步虛聲玉洞花長發珠宮月最明
掃壇天地肅投簡鬼神驚儻賜刀圭藥還成不死名

林傑

林傑字智周閩人幼而秀異六歲賦詩援筆立成唐扶
見而賞之又精琴棋草隸舉神童年十七卒詩二首

王仙壇

羽客已登仙路去丹鑪草木盡凋殘不知千載歸何日
空使時人掃舊壇

乞巧

七夕今宵看碧霄牽牛織女渡河橋家家乞巧望秋月

穿盡紅絲幾萬條

句

金盤摘下挂朱顆紅殼開時飲玉漿

詠荔枝
見紀事

鄭立之

鄭立之貞元元和中人詩一首

哭林傑

才高未及賈生年何事孤魂逐逝川
螢聚帳中人已去

鶴離臺上月空圓

蘇郁

蘇郁貞元元和間詩人詩三首

詠和親

一作
和我

闕月夜懸青冢鏡寒雲秋薄漢宮羅君王莫信和親策

生得胡雛虜

一作
轉

更多

鸚鵡詞

莫把金籠閉鸚鵡箇箇分明解人語忽然更向君前言

二十六宮愁幾許

步虛詞

十二樓藏玉堞中鳳凰雙宿碧芙蓉

一作梧桐

流霞淺酌誰

同一作留君醉今夜笙歌

一作吹簫

第幾重

句

吟倚雨殘樹月收山下村

見張為主客圖

浩虛舟

浩虛舟隰州刺史聿之子中宏詞科詩一首

賦得琢玉成器

已沐識堅貞應憐器未成輝山方可重散璞乍堪驚玷
滅隨心正瑕消奪眼明琢磨虹氣在拂拭水容生賞翫
冰光冷提携月魄輕佇當親捧握瑚璉幸齊名

蔡京

蔡京初為僧令狐楚鎮滑臺勸之學後以進士舉上第
官御史謫澧州刺史遷撫州詩二首

責商山四皓

秦末家家思逐鹿商山四皓獨忘機如何鬢髮霜相似

更出深山定是非

假節邕交道由吳溪

停橈橫水中舉目孤煙外借問吳溪人誰家有山賣

詠子規

千年冤魄化為禽永逐悲風叫遠林愁血滴花春艷死
月明飄浪冷光沈凝成紫塞風前淚驚破紅樓夢裏心
腸斷楚詞歸不得劍門迢遶蜀江深

張頂

張頂撫州人詩一首

獻蔡京

蔡京刺撫州州有放生池京禁魚罟頂乘小舟垂釣京捕之因獻此詩

拋却長竿卷却絲手持蓑笠獻新詩
臨川太守清如鏡
不是漁人下釣時

御定全唐詩卷四百七十二